

音註韓文公文集

十四

表狀

論捕賊行賞表

臣愈言臣伏見六月八日勅以狂賊傷害宰臣擒捕未獲
 陛下悲傷震悼形於寢食特降詔書明立條格去有能捉
 獲賊者賜錢萬貫仍加超授今下手賊等四分之內已得
 其三一作其餘兩人蓋不足計根尋蹤跡一有知自承宗
 再降明詔絕其朝請又與王士則士平等官八日之制無
 不行者獨有賞錢尚未賜給羣情疑惑未測聖心聞初載
 錢置市之日市中觀者日數萬人巡繞瞻視咨嗟歎息既
 去復來以至日暮百姓小人重財輕義不能深達事體但
 見不給其賞便以為朝廷愛惜此錢不守言信自近傳遠無

韓文三十九

廿四廿二月

由辨明且出賞所以求賊今賊已誅斬若無人捉獲國家
 何因得此賊而正刑法也承宗何故而賜誅絕也士平士
 則何故與美官也三事既因獲賊獲賊必有其人不給賞錢實
 亦難曉假如聖心獨有所見審知不合加賞其如天下百
 姓及後代又遠一有之哉況今元濟承宗尚未擒滅兩河
 之地大半未收隴石河西皆沒戎狄所宜大明約束使信
 在言前號令指麾以圖功利況自陛下即位已來繼有不
 績斬楊惠琳收夏州斬劉闢收劔南東西川斬李錡其絳
 收江東縛盧從史收澤潞等五州威德所加兵不汚刃收
 魏博等六州致張茂昭張愔收易定徐泗濠音濠等五州創
 業已來列聖功德未有能高於陛下者可謂赫赫巍巍光
 照前後矣此由天授陛下神聖英武之德為巨唐中興之

君宗廟神靈所共祐助勉強不已守之以信則故地不足收而太平不難致如乘快馬行平路遲速進退自由其心有所欲往無不可者於此之時特宜示人以信孔子欲存信去食人非食不生尚欲捨生以存信況可無故而輕棄也昔秦孝公用商鞅為相欲富國強兵行令於國恐人不信立三丈之木於市南門募人有能徙置北門者與五十金有一人徙之輒與五十金秦人以君言為必信法令大行國富兵強無敵天下三丈之木非難徙也徙之非有功也孝公輒與之金者所以示其言之必信也昔周成王尚小與其弟收虞為戲削桐葉為珪曰以晉封汝其臣史佚因請擇日立叔虞為侯成王曰吾與之戲耳史佚曰天子無戲言言之則史書之禮成之樂歌之於是遂封叔虞於晉昔漢高祖出黃金四萬斤與陳平恣其所為不問出入令謀項羽平用金間楚數年之間漢得天下論者皆言漢高祖深遠一作於利能以金四萬斤致得天下以此觀之自古以來未有不信其言而能有大功者亦未有不費小財而能收大利者臣於捕一作告賊之人本無恩義彼雖獲賞了不閔臣所以區區盡言不避煩黷者欲令陛下之信行於天下也伏望恕臣愚陋陟降之罪而收其懇欵誠至之心天下之幸非臣之幸也謹奉表以聞臣俞誠惶誠恐

論佛骨表

臣某言伏以一作伏聞佛者夷狄之一法耳自後漢時流入中

國唐史作始入中國其曰表云自後漢時流入中國又詩云佛法入中國爾來六百年按後漢西域傳云明帝時

入中國而梁劉孝標注世說新語引劉向列仙傳序曰歷觀百家之中以相檢驗得仙者百四十六人其七十四人已入佛經即如此說則漢成哀之間已有經矣漢武故事曰昆邪王殺休屠王以其眾來降得其金人之神上晉之甘泉宮金人者皆長文錄其祭不用牛羊唯燒香禮拜使依其國俗祀之此神全類於佛蓋當漢武時其經未行於中土但以神明事之耳又開皇歷代三寶記云平帝出劉向稱余覽典籍往見有佛經則知周時久流釋典秦雖芟除漢興復出也又漢武作昆明池掘得黑灰東方朔云可問西域道人西域道人佛之徒也又真誥云裴真人有安中似久已有佛裴君即是其事以此考之中國之有佛尚矣退之所云據正史也

上古未嘗有也昔者黃帝在位百年年一百

十歲少昊在位八十年年一百歲顓頊在位七十九年年

九十八歲帝嚳音酷高辛氏禮記禘黃帝而在位七十年

年一百五歲帝堯在位九十八年年一百一十八歲帝舜

及禹年皆百歲此時天下太平百姓安樂壽考然而此時

唐史無此時字中國未有佛也其後殷湯亦年百歲湯孫大戊在

位七十五年武丁在位五十九年書史不言其年壽所極

蓋亦俱年不減百歲周文王年九十七歲武王年九十三

歲穆王在位百年此時佛法亦未至中國非因事佛而致

然也漢明帝時始有佛法明帝在位纔十八年耳其後亂

亡相繼運祚不長宋齊梁陳元魏已下事佛漸謹年代尤

促惟梁武帝在位四十九唐史作八年前後三度捨身施佛宗

廟之祭不用牲牢盡日一食止於菜果其後竟為侯景所

逼餓死臺城國亦尋滅事佛求福反更得禍由此觀之佛

不足信事亦可知矣高祖始受隋禪則議除之當時羣臣

材識唐書作識見不遠不能深知先王之道古今之宜推闡明

聖唐書作聖明以救斯弊其事遂止臣常恨焉伏惟睿聖文武

皇帝陛下神聖英武數千百年已來未有倫比即位之初

不許度人為僧尼道士又不許創立寺觀臣常以為高祖之志必行於陛下之手今縱未能即行豈可恣之轉令盛也今聞陛下令羣僧迎佛骨於鳳翔御樓以觀昇音入大內又令諸寺遞迎供養臣雖至愚必知陛下不惑於佛作此崇奉以祈福祥也直以年豐人樂徇人之心為京都士庶一有詭異之觀戲翫之具耳安有聖明若此而肯信此等事哉然百姓愚冥易惑難曉苟見陛下如此將謂真心事佛皆云天子大聖猶一心敬信百姓何人於佛更惜身命一有以二字焚頂燒指自十為羣解衣散錢自朝至暮轉相倣效惟恐後時老少奔波棄其業次若不即加禁遏更歷諸寺必有斷臂鬻力充切身以為供養者傷風敗俗傳笑四方非細事也夫佛木夷狄之人與中國言語不通衣服殊製口不言先王之法言身不服先王之法服不知君臣之義父子之情假如其身至今尚在奉一有英字國命來朝京師陛下容而接之不過宣政一見禮賓一設賜衣一襲衛而出境不令惑眾也況其身死已久枯朽之骨凶穢之餘豈宜令一作可直入宮禁孔子曰敬鬼神而遠之古之諸侯行弔於其國尚令巫祝先以桃茢音列禮記君臨臣喪以巫祝桃茢執戈惡之也注桃鬼所惡刻葦者可掃不祥左氏乃使巫以桃茢先被殯後同後除不祥然後進弔今無故取朽穢之物親臨視之巫祝不先桃茢不用羣臣不言其非御史不舉其失臣實恥之乞以此骨付之有司投諸水火永絕根本斷天下之疑絕後代之惑使天下之人知大聖人之所作為出於尋常萬萬也豈不盛哉豈不快哉佛如有靈能作禍福凡有殃咎宜加臣身上天鑒臨臣

不怨悔無任感激懇悃之至謹表以聞臣某誠惶誠恐

潮州刺史謝上表

臣某言臣以狂妄驚愚不識禮度上表陳佛骨事言涉不敬正名定罪萬死猶輕陛下哀臣愚忠恕臣狂直謂臣言雖可罪心亦無他特屈刑章以臣為潮州刺史既免刑誅又獲祿食聖恩弘大天地莫量破腦剝空胡選齊必心豈足為謝臣某誠惶誠恐頓首頓首臣以今年正月十四日蒙恩除潮州刺史即日奔馳上道經涉嶺海水陸萬里以今月二十五日到州上訖與官吏百姓等相見具言朝廷治平天子神聖威武慈仁子養億兆人庶無有親踈遠邇雖在萬里之外嶺海之陬待之一如畿甸之間輦轂之下有善必聞有惡必見早朝晚罷兢兢業業惟恐四海之

小四十一 昌文三 九 一五

內天地之中一物不得其近故遣刺史面一作親問百姓疾苦苟有不得得以上陳國家憲章完具為治日又守令承奉詔條違犯者鮮雖在蠻荒無不安泰聞臣所稱聖德惟知鼓舞謹呼不勞施為坐以無事臣某誠惶誠恐頓首頓首臣所領州在廣府極東界上去廣府雖云纔二千里然來往動皆經月過海口下惡水濤瀧間江壯猛難計程期颶其魚風鱷五各魚患禍不測州南近界一作州南漲海連天毒霧瘴氛敷文日夕發作臣少多病年纔五十髮白齒落理不久長加以罪犯至重所處又極遠惡憂惶慙悸其季死云無日單立一身朝無親黨居蠻夷之地與魑魅上抽知切為羣苟非陛下哀而念之誰肯為臣言者臣受下明秘切性愚陋人事多所不通惟酷好學問文章未嘗一日暫廢

實為時輩所見推表

一作許

臣於當時之文亦未有過人者

至於論述陛下功德與詩書相表裏作為歌詩薦之郊廟

紀泰山之封鏤

音編

白玉之牒鋪張對天之閔休揚厲無前

之偉蹟

音編

之乎詩書之策而無愧措之乎天地之間而

無虧雖使古人復生臣亦未肯夕夕讓伏以大唐受命有

天下四海之內莫不臣妾南北東西地各萬里自天寶之

後政治少懈文致未優武尅不剛

一作變

臣效隸蠹居暴

處搖毒自防外順內悖父死子代以祖以

一作繼

孫如古諸

侯自擅其地不貢不朝六七十

年四聖傳序以至陛下陛下即位以來躬親聽斷旋乾轉坤關機闔開雷厲風飛

日月所照天戈所麾莫不寧順大宇之下生息理極高祖

創制天下其功大矣而治未休也太宗太平矣而大功所

立威在高祖之代非如陛下承天寶之後接因循之餘六

七十年之後赫然興起南面指麾而致此巍巍

始也宜定樂章以告神明東巡泰山奏功皇天具著顯庸

明示得意使永永年代一作萬年服我成列當此之時所謂千

載一時方一作不可逢之嘉會而臣負罪嬰疊許慎切隙鏗

欲乘疊自拘海島戚戚嗟嗟日與死迫曾不得奏薄伎於

從官之內隸御之間窮思畢精以贖罪過懷痛窮天死

不閉目瞻望宸極魂神飛去一作送伏惟皇帝陛下天地父

母哀而憐之無任感恩戀闕慙惶懇迫之至謹附表陳謝

以聞

賀冊尊號表

臣某言臣伏聞宰相公卿百官及關輔百姓耆老

徒結切禮記耆

禮

等以陛下功崇德鉅天成地平宜加號於殊常以昭

示於來載陳請懇到一作于再于二陛下仰稽乾符俯順

人志乃以新秋首序令月吉辰發揚鴻休膺受顯冊天人

合慶日月揚光環海之間含生之類歡欣一作踊躍以舞

以歌臣某誠歡誠喜頓首頓首臣聞體仁以一無長人無

字之謂元發而中節之謂和無所不通之謂聖妙而無方

之謂神經緯天地之謂文戡定禍亂之謂武先天不違之

謂法天道濟天下之謂應道伏惟元和聖文神武法天應

道皇帝陛下子育億兆視之如傷可謂體仁以長人矣喜

怒以類刑賞不差可謂發而中節矣明照無私幽隱畢達

可謂無所不通矣發號出令雲行雨施可謂妙而無方矣

三光順軌草木遂長可謂經緯天地矣除楚限寇盜

宇縣清夷可謂戡定禍亂矣風雨以時祥瑞輻湊可謂先

天而天不違矣國內無飢寒四夷皆朝貢可謂道濟天下

矣衆美備具名實相當赫赫巍巍超今冠古方當議一作

講明堂辟雍之事撰泰山梁父之儀搜三代之逸禮補百

王之漏一作典時乘六龍肆觀東后微臣幸生聖代觸犯

刑章假息海隅死亡無日瞻望辰極心魂飛揚有永棄之

悲無自新之望曾不得與鳥獸率舞蠻夷縱觀為比銜酸

抱痛且恥且慙無任感恩戀闕懇迫傍惶之至謹奉表陳

賀以聞

表州刺史一無刺謝上表

臣某言臣以去年正月上疏論佛骨事无朝怒臣愚直不

加大罪自刑部侍郎貶授潮州刺史伏遇其年七月十三

日恩赦至其年十月二十四日准例量移改授袁州刺史以今月八日到任上訖臣某誠歡誠喜頓首頓首伏以州小地狹賦稅及時人安吏循閭里無事微臣惟當布陛下惟新之澤守國家承平之規勸以耕桑使無怠惰而已臣以愚陋無堪累蒙朝廷將用掌誥西掖司刑南宮顯榮頻煩稱效寂蔑又蒙放一作其罪累授以方州德重恩弘身微命賤無階荅謝惟積慙惶無任感恩慙惕之至謹差軍事副將郝泰奉表陳謝以聞

賀皇帝即位表

臣某言伏聞皇帝陛下以閏正月三日虔奉遺詔昭升一作承大位天地神祇永有依歸華夏蠻貊永有承事神人交慶日月貞明臣某誠歡誠喜頓首頓首臣聞王者必為

大正十七

昌文三

八

年

天所相為人所歸上符天心下合人志然後奄有四海以君萬邦伏惟皇帝陛下承列聖之不績當中興之昌運爰自主幽春宮齒胄國學孝友之美實形四方英偉之姿又動羣聽及初嗣位遐邇莫不歡心爰降詔書老幼咸至垂泣舉用俊人流竄茲邪雖虞舜之去四凶舉十六相不能過也天下翹首以望太平天下傾心以觀至化臣某誠歡誠喜頓首頓首臣聞昔者堯舜以吁嗟君臣相戒以致至治周文王以憂勤日中不食以和萬民故能澤流無窮名配日月伏惟皇帝陛下儀而象之以求多福天下幸甚天下幸甚微臣往因言得罪先朝守郡一作遠方拘限條例一作不獲奔走稱慶闕廷無任欣歡踊躍感恩戀闕之至謹奉表以聞

賀赦表

臣某言伏奉二月五日制書大赦天下常赦所不原者咸蒙除罪與之更始令得自新恩浹幽明慶溢寰海臣某誠歡誠喜頓首頓首臣聞王者必於嗣位之始降非常之恩所以象德乾坤同明日月伏惟皇帝陛下文思聰明聖神睿哲發號出令雲行雨施懼刑政之或差憐鰥寡之重困知事乂之滋弊慮法詆之益甚罪人悉原墜典咸舉生恩既及於四海和氣遂充於八紘音結臣某誠歡誠喜頓首頓首微臣往因論事獲譴海隅旋沐朝獎待罪山郡未離貶竄之地忽逢曠蕩之恩踴躍欣歡實倍常品限以官守不獲隨例稱慶闕廷無任感恩戀闕之至謹奉表陳賀以聞

賀冊皇太后表

本朝一千九

皇太后

九

幸

臣某言伏承閏正月二十七日皇太后光膺令典受冊官闈歡心始自於內朝孝理遂形於寰海臣某誠歡誠喜頓首頓首皇太后夙贊先皇弼成至化誕生明聖續繼鴻休華胥寶贊於軒圖文母有光於周道恭惟懿德克配前芳皇帝陛下出震承乾垂衣御極式展臣子之志以明教化之源禮命載崇華夷同慶臣待罪外郡不獲隨例稱賀闕廷無任踴躍欣歡之至謹奉表陳賀以聞

賀慶雲表

臣某言臣所領州今月十六日申時有慶雲見於西北至暮方散臣及舉州官吏百姓等無不見者五采五色光華不可徧觀非煙非雲容狀詎能詳述抱日增慶浮空不收既變化而無窮亦卷舒而莫定斯為上瑞實應太平臣某

誠歡誠喜頓首頓首謹按沈約宋書去慶雲五色者太平之應又據孝經援神契曰王者德至山陵則慶雲出故黃帝因之以紀事虞舜由之而作歌又按季夏六月土正用事其曰丙戌亦主於土西北方者京師所在土為國家之德祥見京師之位既徵於古又驗於今伏惟皇帝陛下德合覆載道光軒虞嗣位之初禘祥繼至昇平之符既兆仁壽之域已躋微臣往在先朝以論事得罪身居貶黜之地目覩殊常之慶抃躍欣幸實倍常情伏乞宣付史官以彰聖德所致瞻戀闕廷心寬飛馳并圖奉進無任欣抃踴躍之至謹差某官奉表陳賀以聞

舉張惟素自代狀

時為國子監

中散大夫守左散騎常侍上柱國賜紫金魚袋張惟素

右伏准建中元年正月五日制常參官上後三日舉一人自代者前件文館學治行衆所推與累歷中外資考已深和而不同靜而有守敦厚退讓可以訓人臣所不如輒舉自代謹錄奏聞

舉韓泰自代狀

時守袁州

使持節漳州諸軍事守漳州刺史韓泰 右伏准建中元年正月五日制常參官及刺史授上訖三日內舉一人自代者前件官詞學優長才器端實早登科第亦更臺省往因過犯貶黜至今十五餘年自領漳州悉心為治官吏懲懼不敢為非百姓安寧並得其所臣在潮州日與其州界相接臣之政事遠所不如乞以代臣庶為允當謹錄奏聞

慰國哀表

臣某言伏奉正月二十七日詔書大行皇帝奄棄萬國承
詔哀惶號踊無地伏惟聖情一作何可堪處大行皇帝功
濟寰區仁霑動植奉諱之日率土崩心凡在臣子不勝殞
裂伏惟陛下痛貫宸極聖情難居臣拘守遠郡不獲匍匐
奉慰瞻望闕廷且悲且戀謹奉表陳慰以聞

舉薦張籍狀國子監

登仕郎守祕書省校書郎張籍右件官學有師法文多
古風沈默靜退介然自守聲華行實光映儒林臣當司見
闕國子監博士一員生徒藉其訓導伏乞天恩特授此官
以彰聖朝崇儒尚德之道謹錄奏聞伏聽勅旨

請上尊號表國子監

臣某言臣得所管國子太學廣文四門及書算律等七館

伏四

員文

二

學生沈周封等六百人狀稱身雖賤微然皆以選擇得備

學生讀六藝之文修先王之道粗有知識皆由上恩今一有

天子整齊乾坤出入神聖經榮乎無為之業游息乎混元

之宮不謀於廷不戰於野坐收冀部旋定幽都析木天街

星宿音秀清潤洪曰天文志云易畢間為天街自胃七度至

為析木北嶽醫閭神鬼受職地彌天區界軼海外舜之十

有二州周之千七百國章亥所步洪曰山海經云禹使大

二億三萬三千五百里七十一又使暨亥步自禹執所

書四面輻輳各修貢職一作賦西戎之首北虜之渠怛威愧

德失據狼狽音貝收其種落迤遁遠去來獻羊馬千里不絕

功既如此德又如彼爰初嗣位首去茲孽一作孽隨所顧指

應時清寧哀天下之鰥寡釋四海之鬱鬱結左右前後莫匪

俊良小大之材咸盡其用無所誅詰英吉一和以仁由是

五穀歲登首端時見六府三事惟序惟歌昔者媯古之聖切

女淮南子女媯嬭五色不以補蒼天晉史媯皇嬭石皇殺黑龍以濟吳州堯誅九

嬰以定下土血兵刑五官切刺也楚刃僅就厥功以方吾

君一何遠也堯之在位七十餘載戒飭咨嗟以致平治孔

子之聖自云三年有成今自嗣位已來歲有餘耳臻此功

德其何捷哉置郵音尤廣韻置驛也郵境上舍也後漢列

子速於置郵置於要害之路則置郵當為二事孟傳命未足以諭以非常之功襲尋常之號以冠

古之美屈守文之名臣子之誠闕而不奏天號人稱不滿

事實斯亦措紳先生之過也謂臣官居師長不言謂何考

其所陳中於義理天人合願不謀而同非臣之愚所敢隱

蔽輒冒死以聞伏乞天恩特允誠志令公卿大夫得竭思

小九十五慮取正於經以定大號有司備禮擇日以頒天下幸甚

一作天下幸甚臣某誠惶誠恐

舉韋顛自代狀時為兵部侍郎

中散大夫守大理少卿驍騎尉韋顛語宜右伏准建中元

年正月五日制常參官上後三日舉一人自代者前件官

學識該達器量弘深朝推直道代仰清節顯映班序十五

年餘夷險一致風猷益茂屈居少列未副羣情文昌政本

侍郎官重尚德之舉顛宜當之乞回臣所授庶弭官謗謹

錄奏聞謹奏

音註韓文公文集卷第四十

狀表

論孔幾尚書致仕狀

某官某 右臣與孔幾音達同在南省為官數得相見幾為人守節清苦議論平正今年纔七十筋力耳目未覺衰老真一作愛國忘家用意深遠所謂朝之耆德老成人者臣知幾上疏求致仕故往省幾為官言已蒙聖主一作上允許伏以陛下優賢尚齒見幾頻上三疏言詞懇到重違其意遂即許之此誠陛下仁德之至然如幾輩在朝不過三數人實可為國愛惜自古已來及聖朝故事年雖八九十但視聽心慮苟未昏錯尚可顧問委以事者雖求退罷能無不殷勤留止優以祿秩不聽其去以明人君貪賢敬老之

小字

昌文四一

恭

道也禮曰大夫七十而致仕若不得謝則必賜之几杖安車七十求退人臣之常禮若有德及氣力尚壯則君優而留之不必年過七十盡許致仕也詩曰雖無老成人尚有典刑此言老成人重於典刑不可不惜而留也今幾幸無疾疹音軫 文傷也但以年當致仕據禮求退陛下若不聽許亦無傷於義而有貪賢具之美况左丞職事亦極清簡若幾尚以敏要為辭自可別授秩崇而務少者今中外之臣有年過於幾尚未得退幾獨何人得遂其所願然人皆求進幾獨求退尤可賢重臣所領官無事不敢請對蒙陛下厚恩苟有所見不敢不言伏望聖恩特垂察納謹錄奏聞謹奏

舉馬揔自代狀時為京兆府

銀青光祿大夫檢校尚書右僕射兼戶部尚書馬揔右

伏准建中元年正月五日制常參官上後三日舉一人自代者臣伏以近者京尹用人稍輕所以市井一作之間盜賊未斷郊野之外疲瘵訓介尚多前件官文武兼資寬猛得所累更方鎮皆有功能若以代臣實為至當謹錄奏聞謹奏

賀雨表

臣某言臣聞聖人之德與天地通誠發於中事應於外始聞其語今見其真臣誠歡誠喜頓首頓首伏以季夏以來雨澤不降臣職司京邑一作祈禱實頻青天湛然旱氣轉甚陛下憫茲黎庶有事山川中使纒出於九門陰雲已垂於四野龍神效職雲雨應期嘉穀奮興根葉肥潤抽莖展穗不失時宜人和年豐具莫大之慶微臣幸蒙寵任獲觀殊祥慶抃歡呼倍於常品無任踴躍之至謹奉表陳賀以聞

大四十

昌文四

二

賀太陽不虧表

時為京兆府

司天臺奏今月一日太陽不虧 右司天臺奏今日辰卯間太陽合虧陛下敬畏天命克已修身誠發於中災銷於上自卯至一作巳當虧不虧雖隔陰雲轉更明朗比於常日不覺有殊天且不違慶孰為大臣官忝京尹親覩殊祥欣感之誠實倍常品謹奉狀陳賀以聞謹奏

舉張正甫自代狀

時再為兵部侍郎
云尚書兵部

通議大夫守右散騎常侍上柱國南陽縣開國子食邑五百戶賜紫金魚袋張正甫 右臣蒙恩除尚書兵部侍郎伏准建中元年正月五日制常參官上後三日舉一人自

代者前件官稟正直之性懷剛毅之姿嫉惡如仇讎見善若飢渴備更內外灼有名聲年齒雖高氣志愈一作勵甘貧苦節不愧神明可謂古之老成朝之碩德久處散地實非所宜乞以代臣以副公望謹錄奏聞謹奏

袁州申使狀

使司牒州牒 右自今月二日後每奉公牒牒尾故牒字皆為謹牒字有異於常初不敢陳論以為錯悞今既頻奉文牒前後並同在愈不勝戰懼之至伏乞仁恩特令改就常式以安下情謹奉狀陳謝謹錄狀上

國子監論新注學官牒

國子監應今新注學官等牒准今年赦文委國子祭酒選擇有經藝堪訓導生徒者以充學官近年吏部所注及外四十一循資敘不考藝能至今生徒不自勸勵伏請非專通經傳博涉墳史及進士五經諸色登科人不以比擬其新一作授官上日必加研試然後放上以副聖朝崇儒尚學之意具狀牒上吏部仍牒監者謹牒

黃家賊事宜狀

右臣伏以臣去年貶嶺外刺史其州雖與黃家賊不相鄰接然見往來過客并諳知嶺外一作事人所說至精至熟其賊並是夷獠張發切後漢夷下咸以修王林血氣所生亦無城郭可居依山傍險自稱洞王衣服一作言語都不似人尋常亦各營生急則屯聚相保比緣邕管經略使多不得人德既不能緩懷威又不能臨制侵欺虜縛以致怨恨蠻夷之性易動難安遂至攻劫州縣侵暴平人或復私讎或貪小利或聚或

散終亦不能為事近者征討本起於裴行立陽旻此時一有兩人者本無遠慮深謀意在邀功求賞亦緣見賊未屯聚之時將謂單弱立可摧破爭獻謀計惟恐後時朝廷信之遂允其請自用兵已來一有經二年前後所奏殺獲計不下萬餘一作不下人儻皆非虛賊已尋盡至今賊猶依舊足明欺罔朝廷邕容兩管內一作經此凋弊殺傷疫疠十室九空百姓怨嗟如出一口陽旻行立相繼身亡實由自邀功賞造作兵端人神共嫉一作怒以致殃咎陽旻行立事既已往今所用嚴公素者亦非撫御之才不能別立規模依前還請攻討如此不已臣恐嶺南一道未有寧息之時一昨者併邕容兩管為一道深合事宜然邕州與賊逼近容州則甚懸隔其經略使若置在邕州與賊隔江對岸兵鎮所處物力必全一則不敢輕有侵犯一作一則易為逐便控制今置在容州則邕州兵馬必少賊見勢弱易生姦心伏請移經略使於邕州其容州但置刺史實為至便

一比者所發諸道南討兵馬例皆不諳山川不服水土遠鄉羈居旅疾疫殺傷臣自南來見說江西所發共四百人曾未一年其所存者數不滿百岳鄂所發都三百人其所存者四分纔一續添續死每發倍難若令於邕容側近召募添置千人便割諸道見供行營人數糧賜均融充給所費既不增加而兵士又皆便習長有守備不同客軍守則有威攻則有利

一自南討已來賊徒亦甚傷損察其情理厭苦必深大抵嶺南人稀地廣賊之所處又更荒僻假如盡殺其人盡得

其地在於國計不為有益容貸羈縻比之禽獸來則捍禦去則不追亦未虧損朝廷事勢以臣之恩若因改元大慶赦其罪戾遣一邸官御史親往宣諭必望風降伏謹呼聽命仍為擇選有材用威信諳嶺南事者為經改使處置得宜自然永無侵叛之事

應所在典貼良人男女狀

應所在典貼良人男女等 右准律不許典貼良人男女作奴婢驅使臣往任袁州刺史日檢到州界內得七百三十一人並是良人男女准律例計備折直一時放免原其本末或因水旱不熟或因公私債負遂相典貼漸以成風名目雖殊奴婢不別鞭笞役使至死乃休既乖律文實虧政理袁州至小尚有七百餘人天下諸州其數固當不少

大正八十八

昌文四十一

五

并

今因大慶伏乞令有司重舉舊章一皆放免仍勒長吏嚴加檢責如有隱漏必重科懲則四海蒼生孰不感荷聖恩以前件一有狀字如前謹具奏聞伏聽勅旨謹奏

論淮西事宜狀

右臣伏以淮西三州之地自少陽疾病去年春夏已來圖為今日之事有職位者勞其計慮撫循奉所役者修其器械防守金帛糧畜匱一作耗于賞給執兵之卒四向侵掠農夫織婦攜持幼弱飽餉一作餉於其後雖時侵掠小有所得力盡筋疲不償其費又聞畜馬甚多自半年已來皆上槽櫪譬如有人雖有十夫之力自朝及夕常自大呼跳躍初雖可畏其勢不乂必自委頓乘其力衰三尺童子可使制其死命況以三小州殘弊困劇之餘而當天下之全力其破

敗可立而待之一有也然所未可知者在陛下斷與不斷耳夫兵不多則不足以取勝取一作勝之師必在速戰兵多而一作不速則所費必廣兩界之間壇場之上日相攻劫必有殺傷近賊州縣徵役百端農夫織婦不得安業或時小遇水旱百姓愁苦當此之時則人人異議以惑陛下之聽陛下持之不堅半途而罷傷威損費為弊必深所以要先決於心詳度本末事至不惑然可圖功為統帥者盡力行之於前而參謀議者盡心奉之於後內外相應其功乃成昔者殷高宗大聖之主也以天子之威伐背叛之國三年乃尅不以為遲志在立功不計所費傳曰斷而後行鬼神避之遲疑不斷未有能成其事者也臣謬承恩寵獲掌綸誥地親職重不同庶寮輒竭愚誠以効裨賓彌切補謹條次

平賊事宜一一如後

一諸道發兵或三二千人勢力單弱羈旅異鄉與賊不相諳委望風懾懼難便前進所在將帥以其客兵難一作處指使先不撫存優恤待之既薄使之又苦或被分割隊伍隸屬諸頭士卒本將一朝相失心孤意怯難以有功又其本軍各須資遣道路遼遠勞費倍多士卒有征行之艱閭里懷離別之思今聞陳許安唐汝壽等州與賊界連接處村落百姓悉有兵器小小俘劫皆能自防習於戰鬪識賊深淺既是土人護惜鄉里比來未有齟齬分猶願自備衣糧共相保聚以備寇賊若令召募立可成軍若要添兵自可取足賊平之後易使歸農伏請諸道先所追到行營者悉令却歸本道據行一無所追人額器械弓矢一物已上悉

送行營充給所召募人兵數既足加之教練三數月後諸道客軍一切可罷比之徵發遠人利害懸隔

一繞逆賊州縣堡音柵等各置兵馬都數雖多每處則兵至少又相去闊遠難相應接所以數被攻劫致有損傷今若分爲四道每道各置三萬人擇要害地屯聚一處使有隱然之望審量事勢乘時逐利可入則諸一作道一時俱發使其狼狽音驚惶首尾不相救濟若未可入則深壁高壘以逸待勞自然不要諸處多置防備臨賊小縣可收百姓於便地作行縣以主領之使免散失

一蔡州士卒爲元濟迫脅勢不得已遂與王師交戰原其本根皆是國家百姓進退皆死誠可閔傷宜明勅諸軍一作率使深知此意當戰鬪之際固當一作以盡敵爲心若形

大田八十七小田

昌文甲

七

辰

勢已窮不能爲惡者不須過有音喻以聖德放之使歸銷其兇悖之心貸以生全之幸自然相率棄逆歸順

一論語曰欲速則不達見小利則大事不成比來征討無功皆由欲其速捷有司計筭所負苟務因循小不如意即求休罷河北淮西等見承前事勢知國家必不與之持久併力苦戰幸其一勝即希異恩赦朝廷無至忠憂國之人不惜傷損威重因其有請便議罷兵往一作日之事患皆然也臣愚以爲淮西三小州之地元濟又甚庸愚而陛下以聖明英武之姿用四海九州之力除此小寇難易可知太山壓卵未足爲喻

一兵之勝負實在賞罰賞厚可令廉士動心罰重可令凶人喪魄然可集事不可愛惜所費憚於行刑

一淄青恒冀兩道與蔡州氣類略同今聞討罰一作元濟人情必有救助之意然皆聞弱自保無瑕虛張聲勢則必有之至於分兵出界公然為惡則一作亦必不敢宜特下詔去蔡州自吳少誠已來相承為節度使亦微有功效少誠之歿朕亦本擬與元濟恐其年少未能理事所以未便處置待其稍能緝綏然擬許其承繼今忽自為狂勃侵掠不受朝命事不得已所以有此討罰一作伐至如淄青恒州范陽等道祖父各有功業相承一有命字節制年歲已久朕必不利其土地輕有改易各宜自安如妄自疑懼敢相扇動朕即赦元濟不問迴軍討之自然破膽不敢妄有異說以前件謹錄奏聞伏乞天恩特賜裁擇謹奏

論變鹽法事宜狀

大和九年十一月

昌大八

八

張平叔所奏鹽法條件右奉勅將變鹽法事貴精詳宜令臣等各陳利害可否聞奏者平叔所上變法條件臣終始詳度恐不可施行各隨本條分析利害如後

一件平叔請令州府差人自糴官鹽收實估匹段省司准舊例支用自然獲利一倍已上者臣今通計所在百姓貧多富少除城郭外有見錢糴鹽者十無二三多用雜物及米穀博易鹽商利歸於已無物不取或從賒貸升斗約以時孰填還用此取濟兩得利便今令州縣之吏坐鋪自糴利不關已罪則加身不得見錢及頭段物恐失官利必不敢糴變法之後百姓貧者無從得鹽而食矣求利未得歛怨已多自然坐失鹽利常數所云獲利一倍臣所未見

一件平叔又請鄉村去州縣遠處令所由將鹽就村糴易

不得令百姓闕蓋者臣以為鄉村遠處或三家五家山谷居住不可令人吏將鹽家至戶到多將則糶貨不盡少將則得錢無一作不多計其往來自充糧食不足比來商人或自負擔斗石往與百姓博易所冀平價之上利得三錢兩錢不比所由為官所使到村之後必索百姓供應所利至少為弊則多此又不可行者也

一件平叔云所務至重須令廟堂宰相充使臣以為若法可行不假令宰相充使法不可行雖宰相為使無益也無一
上十四字又宰相所以臨察百司考其殿最若自為使縱有敗闕遣誰舉之此又不可者也

一件平叔又云法行之後停減鹽司所由糧課年可收錢十萬貫臣以為變法之後弊隨事生尚恐不登常數安得更望贏利

大綱四十一

韓文公

九

文

一件平叔欲令府縣糶鹽每月更加京北尹料錢百千司錄及兩縣令每月各加五十千其餘觀察使及諸州刺史縣令錄事參軍多至每月五十千少至五千三千者臣今計此用錢已多其餘官典及巡察手力所由等糧課仍不在此數通計所給每歲不下十萬貫未見其利所費已廣平叔又云停鹽司諸色所由糧課約每歲合減得十萬貫錢今臣計其新法亦用十萬不啻減得十萬却用十萬無一
社四所亡所得一無贏餘也平叔又請以糶鹽多少為刺史縣令殿最多者遷轉不拘常例如闕課利依條科責者刺史縣令職在分憂今惟以鹽利多少為之升黜不復考其治行非唐虞三載考績黜陟幽明之義也

一件平叔請定鹽價每斤三十文又每二百里每斤價加收二文以充脚價量地遠近險易加至六文脚價不足官與出名為每斤三十文其實已三十六也今鹽價京師每斤四十諸州則不登此變法之後祇校數文於百姓未有厚利也脚價用五文者官與出三文用十文者官與出四文是鹽一斤官糶得錢名為三十其實斤多得二十八少得二十六文折長補短每斤收錢不過二十六七百姓折長補短每斤用錢三十四則是公私之間每斤常失七八文也下不及百姓上不歸官家積數至多不可遽其據以此言不為有益平叔又請令所在及農隙時併召車牛般鹽送納都倉不得令有闕絕者州縣和雇車牛百姓必無情願事須差配然付脚錢百姓將車載鹽所由先皆無

檢齊集之後始得載鹽及至院監請受又須待其輪次不用門戶皆被停留輸納之時人事又別凡是和雇無不皆然百姓寧為私家載物取錢五文不為官家載物取十文錢也不和雇則無可載盐和雇則害及百姓此又不可也

一件平叔稱停減鹽務所由收其糧課一歲計得十萬貫文今又稱既有巡院請量開劇留官吏於倉場勾當要害守捉少置人數優恤糧料嚴加把捉如有漏失私糶等並准條處分者平叔所管鹽務所由人數有幾量留之外收其糧課一歲尚得十萬貫此又不近理也比來要害守捉人數至多尚有漏失私糶之弊今又減置人數謂能私鹽斷絕此又於理不可也

一件平叔云變法之後歲計必有所餘日用還恐不足謂

請一作一年已來且未責以課利後必數倍校多者此又不
可方今國用常言不足若一歲頓闕課利為害已深雖云
明年校多豈可懸保此又非公私蓄積尚少之時可行者也
一件平叔又云浮寄姦猾者轉富土著直略守業者日貧
若官自糶鹽不問貴賤貧富士農工商道士僧尼并無游
惰因其所食盡輸官錢并諸道軍諸使家口親族遞相影
占不曾輸稅若官自糶鹽此輩無一人遺漏者臣以此數
色人等官未自糶鹽之時來糶鹽而食不待官自糶然後
食鹽也若官不自糶鹽此色人等不糶鹽而食官自糶鹽
即糶而食之則信如平叔所言矣若官自糶與不自糶皆
當糶鹽而食則今官自糶亦無利也所謂知其一而不知
其二見其近而不見其遠也國家推音糶與商人商人

卷之二十八

世宗文四十一

上

五

納糶糶與百姓則是天下百姓無貧富貴賤皆已輸錢於
官矣不必與國家交手付錢然後為輸錢於官也

一件平叔云初定兩稅時絹一匹直錢三千今絹一匹直
錢八百百姓貧虛或先取粟麥價及至收穫悉以還債又
充宮稅顆粒不殘若官中糶鹽一家五口所食鹽價不過
十錢隨日而輸不勞驅遣則必無舉債逃亡之患者臣以
百姓困弊不皆為鹽價貴也今官自糶鹽與依舊令商人
糶其價貴賤所校無多通計一家五口所食之鹽平叔所
計一日以十錢為率一月當用錢三百六十恐美是則三
日食鹽一斤一月率當十斤新法實價與舊每斤不校三
四錢以下通計五口之家以平叔所約之法計之賤於舊
價日校一錢月校三十文不滿五口之家所校更少然則

改用新法百姓亦未免窮困流散也初定稅時一匹絹三千今祇八百假如特變鹽法絹價亦未肯貴五口之家因變鹽法日得一錢之利豈能便免作債收穫之時不被徵索輸官稅後有贏餘也以臣所見百姓困弊日久不以事擾之自然漸校不在變鹽法也今絹一匹八百百姓尚多寒無衣者若使匹直三千則無衣者必更衆多況絹之貴賤皆不緣鹽法以此言之鹽法未要變也

一件平叔云每州糶鹽不少長吏或有不親公事所由浮詞云當界無人糶鹽臣即請差清強巡官檢責所在實戶據口團保給一年鹽使其四季輸納鹽價只多糶少及鹽價遲違請停官察使見任改散慢官其刺史已下貶與上佐其餘官貶遠處者平叔本請官自糶鹽以寬百姓令其

小引

蘇息免更流云今令責實戶口團保給鹽令其隨季輸納

十一

五

蘇息免更流云今令責實戶口團保給鹽令其隨季輸納鹽價所謂擾而困之前意也百姓貧家食鹽至少或有淡食動經旬月若據口給給一有依時徵價辦與不辦並須納錢遲違及違條件觀察使已下各加罪謹一作官吏畏罪必用威刑臣恐因此所在不安百姓轉致流散此又不可之大者也

一件平叔請限商人鹽納官後不得輒於諸軍諸使覓職掌把錢捉店看守莊五對切磨也世本公翰般作之晉以求影庇請令所在官吏嚴加訪一作察如有違犯應有資財並令納官仍牒送府縣充所由者臣以為塩商納權為官糶塩子父相承坐受厚利比百姓實則校優今既奪其業文禁不得求覓職事及為人把錢捉店看守莊二賦不

知其一作罪一朝窮蹙之也若必行此則富商大賈必生
怨恨或收市重寶逃入反側之地以資寇盜此又不可不
慮也

一件平叔行此策後兩市軍人富商大賈或行財賄邀截
喧訴請令所由加切收捉如獲頭首所在決殺連狀聚衆人
等各決脊杖二十檢責軍司軍戶益如有隱漏並准府縣
例科決并賞所由告人者此一件若果行之不惟大失人
心兼亦驚動遠近不知糶益所獲幾何而害人蠹政其弊
實甚以前件狀奉今月九日勅令臣等各陳利害者謹錄
奏聞伏聽勅旨

音註韓文公文集卷第四十

韓文公



